


TERBAHARU!

DAPATKAN DI PASARAN SEKARANG!



DI SINILAH PERMULAAN BAGI IMPIAN YANG HEBAT

Remaja yang hebat hanya lahir daripada bahan bacaan yang hebat. Maka, secara eksklusifnya dari Gen-Q untuk anda yang mahukannya sebagai permulaan tepat untuk menggapai impian yang hebat. Impian membina generasi hadapan yang gemilang.

KEGEMILANGAN MAMPU DICAPAI JIKA ANDA BERTINDAK SEKARANG

Isu ■ PAHROL MOHAMAD JUOI



RUMAHKU SYURGAKU

Rumah yang hakiki bukanlah dibina dengan kuantiti harta tetapi dengan kualiti jiwa. Itulah tempat yang terbaik yang kita rindu untuk berada di dalamnya.

Pada satu ketika Abu Darda melihat sekumpulan pemuda sedang duduk-duduk di tepi jalan. Lantas beliau menghampiri mereka lalu berkata, "Wahai anak-anakku, tempat yang paling baik bagi Muslim ialah rumahnya. Di sana dia dapat memelihara diri dan pandangannya. Jauhilah duduk-duduk di pinggir jalan dan di pasar-pasar kerana itu membuang masa dan merupakan perbuatan yang sia-sia."

Lihatlah istana dan vila milik selebriti, penguasa dan hartawan terkenal dunia. Semuanya serba lengkap, canggih dan mewah. Namun, di sana tidak ada ketenangan sehingga

para penghuninya terpaksa bergantung pada arak dan dadah untuk mengubat hati yang gundah.

Rumah tangga hancur berkecai, kemurungan tahap serius, sakit jiwa dan ada yang sampai membunuh diri walaupun punya rumah yang luas dan mewah. Malang sekali, hanya rumah mereka yang luas tetapi jiwa sempit dan terhimpit.

"Perumpamaan orang yang menjadikan selain Allah sebagai penaungnya adalah seperti labah-labah yang membuat rumah (sarang). Padahal rumah yang paling lemah ialah rumah labah-labah, kalaulah mereka mengetahuhi." (Al-Ankabut 29: 41)

Tidak salah untuk membina rumah yang besar, asalkan daripada dana yang halal dan baik. Namun jika tidak mampu, cukuplah dengan rumah yang sederhana tetapi punya ciri-ciri syurga yang dapat memberi keamanan tepat)

seperti yang sering diungkapkan, "rumahku syurgaku." Artinya, rumah kita mestilah menjadi seumpama syurga di dunia lagi sebelum kita mendapat syurga yang hakiki dan abadi di akhirat nanti.

Rumah kita di dunia hanya tempat persinggahan yang sementara. Namun bagi orang yang beriman, ada "syurga yang disegerakan" yang mesti dinikmatinya sebelum menikmati syurga yang kekal abadi di akhirat nanti. Artinya, jalan menuju syurga di sana bermula dari sini. Rumah kita di dunia inilah seharusnya menjadi tempat kita menjana semangat, membina ibadat dan membangunkan ketakwaan bagi mendapat syurga yang hakiki.

Rumah kita di dunia inilah seharusnya menjadi tempat kita menjana semangat, membina ibadat dan membangunkan ketakwaan bagi mendapat syurga yang hakiki.

Rumah Bayangan Syurga

Apakah yang perlu dilakukan untuk membina rumah yang menjadi bayangan syurga? Berikut antara tindakan-tindakan yang perlu dilaksanakan:

1 Jadikan rumah sebagai madrasah.

Rumah mestilah menjadi tempat kita menanam dan menyebarkan nilai-nilai iman, Islam dan akhlak Islamiah. Rumah mestilah menjadi sekolah (madrasah) tempat seluruh anggota keluarga membina nilai-nilai murni dengan pimpinan ayah dan dibantu oleh ibu.

Ibu bapa mendidik dan mengasuh anak mereka bermula dari rumah. Rumah ialah tempat pertama untuk membina roh tauhid, keindahan hidup bersyariat dan berakhlak. Justeru citra sebuah rumah yang Islamik mestilah gambaran sebuah madrasah, bukan sebuah muzium atau pusat hiburan. Sama ada dar segi hiasan luaran mahupun aktiviti dalaman.

Di rumahlah seluruh perintah Allah seperti di bawah dapat dilaksanakan. Allah berfirman: "Dan Kami perintahkan manusia melakukan kebaikan kepada kedua-dua ibu bapanya. Ibunya telah mengundungkannya dengan susah payah dan telah melahirkannya dengan susah payah.

Sedangkan tempoh mengandung serta dengan tempoh menceraikan susunya dalam masa 30 bulan. Setelah dia membesar sampai ke peringkat dewasa yang sempurna kekuatannya dan sampai ke peringkat umur 40 tahun, dia berdo'a dengan berkata:

"Wahai Tuhanku, tunjukkanlah aku supaya aku tetap bersyukur nikmat-Mu yang Engkau kurniakan kepadaku dan kedua ibu bapaku, dan supaya aku tetap melakukan kebaikan yang Engkau redai. Berikanlah kebaikan kepadaku dengan memberikan kebaikan kepada zuriat keturunanku. Sesungguhnya aku bertaubat kepada-Mu, dan sesungguhnya aku termasuk dalam kalangan orang yang berserah diri." (Al-Ahqaf 46: 15)

2 Hidupkan jiwa penghuni.

Rumah seorang Muslim mestilah mempunyai roh. Roh itulah yang menghidupkan jiwa beragama para penghuni rumah tersebut. Tanpa roh itu, jiwa penghuninya akan mati dan gelaplah rumah tangga tersebut.


Roh itu ialah solat, bacaan al-Quran, doa, zikir, salam dan adab. Elemen-elemen itu mestilah diamalkan oleh seluruh isi rumah sehingga menjadi budaya dan 'trade mark' keluarga. Ada tempat, masa dan ketika yang telah diperuntukkan secara khusus untuk melaksanakan aktiviti-aktiviti tersebut.

Langkah indahnya jika setiap anggota keluarga (malah pembantu rumah jika ada) mengamalkan cara hidup ahli syurga seperti saling memberi salam, menyebar senyum, berkongsi cerita baik, doa mendoakan sesama mereka. Insya-Allah, rumah tersebut akan berseri-seri dan sentiasa dirindui setiap anggota keluarga. Ini akan menjadi salah satu faktor penyatu apabila berlaku krisis dan persengketaan.

3 Kuatkan pertahanan rumah sebagai benteng.

Rumah ialah benteng atau kubu terakhir kita dalam menghadapi serangan musuh Islam. Bukan serangan senjata sahaja, tetapi serangan minda, budaya dan cara hidup. Yahudi dan Nasrani sentiasa tidak reda terhadap umat Islam selagi kita tidak mengikut cara hidup mereka. Dalam dunia yang boleh diumpamakan sebagai *global village* (kampung sejagat) kini, musuh-musuh Islam sedang berusaha untuk melakukan proses penyeragaman budaya hidup dunia mengikut acuan mereka.

Remaja sekarang begitu terdedah kepada penajahan budaya ini kerana pengaruh budaya



asing disebar meluas melalui media massa terutamanya siaran televisyen, video dan Internet. Seorang tokoh budaya, Allahyarham Azah Aziz berkata, "Jika pemuda Amerika memakai topi secara terbalik, pemuda kita pun meniru pakai topi secara tidak betul, kalau mereka bercakap dengan meninggi suara, kita pun ikut sama menjerit, begitu juga dengan cara bersalam, masing-masing bertampar tangan dengan mengangkat tinggi-tinggi."

Bagaimana membendung serangan budaya ini? Jawabnya, jadikan rumah sebagai benteng untuk menyekat dan mengawal sebarang unsur negatif yang telah berleluasa dalam masyarakat dan negara. Rumah kita tanggungjawab kita. Allah berfirman: "Selamatkan diri kamu dan keluarga kamu daripada api neraka." (Al-Tahrim 66: 6)

Kita tidak mampu mengawal masyarakat apatah lagi negara tetapi kita wajib mengawal keluarga kita. Justeru rumah ialah benteng terakhir untuk menghadapi serangan musuh-musuh Islam.

"Binalah Untukku Rumah di Syurga"

Sesungguhnya, langkah-langkah yang dinyatakan di atas bukanlah mudah untuk

dilaksanakan. Usaha ini ialah satu perjuangan nafas panjang yang memerlukan kegigihan dan pengorbanan yang berterusan. Namun Allah telah menyediakan teladan yang rindukan rumah di syurga.

Dengan kerinduan itulah dia berjuang walaupun terpaksa mengorbankan nyawa. Dialah Asiah; isteri Firaun yang rela mengorbankan istana suaminya yang kufur untuk mendapat rumah di syurga.

Allah berfirman: "Dan Allah juga mengemukakan satu perumpamaan kepada orang yang beriman iaitu kisah isteri Firaun, ketika dia berkata, 'Wahai Tuhanku, binalah untku sebuah rumah di sisi-Mu syurga dan selamatkanlah aku daripada Firaun dan perbuatannya, serta selamatkanlah aku daripada kaum yang zalim.'" (Al-Tahrim 66: 11)

Sungguh, Asiah punya rumah yang lebih lapang dalam hatinya berbanding istana agam milik suaminya. Dan dengan kelapangan hati itulah dia akan memiliki sebuah rumah di syurga seperti yang dijanjikan oleh Tuhannya. Dan kita, mesti mengikut jejak itu dengan membina sebuah rumah yang lapang di dunia bukan dengan wang dan harta tetapi dengan iman dan amal yang sempurna! ❏